



En mercui, ai 03.05.2017 complësc **Florian Valentini** da S. Linert **87** agn y en jöbia, ai 04.05.2017 **Tarina Anvidalfarei Bertoldi** da S. Linert **88** agn. Le Senioreclub y düta la comunité ti aoda düte le bun, sanité y benedisciun de Df.

La Ciasa de Palsa Ojöp Frëinademetz töl sö d'isté studënc y studëntes dai 16 ai 19 agn por **sorvisc de voluntariat** por 6/8 edemes che reverda plö ciamps de laur. Infos al numer 0474 524786. Le formular de domanda da dé jö cina ai 16.05.2017 pon descíarié da www.ciasadepalsa.it.

Na mostra dl beat Josef Mayr Nusser podëise odëi te Ciasa de Palsa a S. Martin dal vëndres 24 de aurí ala jöbia 4 de ma.

Seniorenparch: le comun de Badia lascia alsavëi che al mët indô man l'ativité al Senioreparc da La Ila por la jënt de tëmp; vigni mercui dales 10 ales 11:30. Prenotaziuns por le pulmino, che passa a tó i senioren y i condüje indô zeruch, pro Igi nr. 348 4096357 o Ubi nr. 338 3462087.

Referac organisá dal Consëi de Formaziun dl Comun de Badia:


- a) "La Bibia nanter sessualité y violënza" cun Danila Serafini ai 2 de ma dales 20:00 te biblioteca a Pedraces.
- b) "Islam y cristianesim" cun le teolog Andrea Russo ai 5 de ma dales 20:00 te Ciasa Runcher.

Le Sorvisc ai Jogn Val Badia lascia alsavëi che al vëgn dé ia i ultimi posé por **jogn y jones dla scora mesana:** Edema de zircus dai 10.7 al 15.7 a La Ila, Curs da nodé dai 24.7 ai 28.7 a Raiscia, Edema dla sciënza dai 24.7 ai 28.7 a S. Martin y Edema dl skateboard dai 7.8 ai 11.8 a Badia. Iscriziuns y infos al nr. 0474/523070 o sot www.proiec.org

Amisc dla letöra s'incunta: i s'la cuntun di libri ch'i un lit a Badia te biblioteca in jöbia ai 4 de ma dales 20:00. Düc é dër bel inviá.

Let's talk English: conversaziun por inglesc, por mioré le lingaz cun Lalena Stull a La Ila te biblioteca en jöbia ai 4 de ma dales 20:00.

Jun a pe cun le KVV: inviun düc ala gita "Pinatsweg" a Porsenú/Elvas en mercui ai 3 de ma. Piun ia dales 08:00 da Pedraces y prenotesse pro Iaco al nr. 0471/839772.




Plata dla Ploania

Badia

San Iaco - San Linert

Ploan: **Siur Iaco Wendelin Willeit**
Calonia Badia: **0471/839571**
E-Mail: parrocchiabadia@libero.it
Radio dla Ploania: **91,10 Mhz**

UNITÉ PASTORALA



www.unitepastorala.org

Ann „A“ 30.04. - 07.05.2017 3° Domënia de Pasca n. 23



Vangele dla Domënia che vëgn - 4° Domënia de Pasca

Ian 10, 1-10

Te chël tëmp á Gejú dit: Amen, amen, i ves diji: Chël che vá te tamá nia da üsc ite, mo da n'atra pert ite, chël é n lere y n loter. Chël che vá indere da üsc ite é le famëi dles bisces. Le portiná ti deura y les bisces ascuta süa usc; al chërda les bisces che é sües, vignöna por so inom y les condüj fora. Do ch'al á paré fora dotes sües bisces, ti val danfora, y les bisces ti vá do; deache ares conësc süa usc. A n forest ne ti jaráres nia do, mo ares sciampará da d'ël, ciodiche ares ne conësc nia la usc dl forest.

Gejú ti á cunté chësta parabola; mo ai ne capí nia le significat de ci ch'al ti á dit. Gejú ti á dit inant: Amen, amen, i ves diji: Iö sun l'üsc da i jji pomez ales bisces. Düc chi che é gnüs dan me è leri y lotri; mo les bisces ne i á nia ascuté sö. Iö sun l'üsc; chël che passa da me ite gnará salvé; al jará ite y fora y ciafará pastöra. Le lere vëgn ma a d'arobé a copé y a desfá; iö sun gnü, por che ares ais la vita y che ares l'ais en abundanza.

FUNZIUNS SACRES

30.04. 3^a DOMÈNIA de PASCA – Kassiansonntag

- 09.30 Corona por le defunt Elias Dal Bosco
10.00 Mëssa por la Comunità
18.00 †to Tone Campeï - aniversar
†to Pire Valentini - aniversar
†ta Teodora Boschetti – aniversar
†ti Bertoldi

01.05. Lünesc – S.Ujöp Laurant

- 08.00** †ti Felice y Maria Flatscher – aniversar
†ta Maria Piccolruaz de Col d'Anví – aniversar
†ta Nane Granruaz Pitscheider
19.30 Devoziun de ma (arjignada ca dala uniun dles èles)

02.05. Mertesc - S. Atanase

- 19.30 †ta Maria Alfreider Burchia - otavare
†to Elias Dal Bosco - otavare
†to Mariangel Pescollderungg – aniversar
†ta Rita Tasser Alfarei - aniversar

03.05. Mercui - **degüna mëssa**

- 04.05. Jöbia – S. Florian - *Mëssa cun i crejimanc*
19.30 †ta Angela Costa
en onur de S. Maria, S. Ujöp da Oies y por les animes
por perié do vocaziuns

05.05. Vëndres - Prüm vëndres dl mëis

- 07.30 †to Paul Ploner
†ti Giovanni, Lois y geniturs da Castalta
†ti de Florian y Lucia Sottara

06.05. Sabeda

- 16.00 Mëssa a Oies
19.30 Devoziun de ma (abelida dal cor Philia)



07.05. 4^a DOMÈNIA de PASCA – De mondial dles vocaziuns

- S. Florian / Patron di Stödafüch
10.00 Mëssa por i Stödafüch cun benedisciun de auti y motors
14.00 Prozesciun a Oies
18.00 por perié do vocaziuns
†to Friedl Valentin
†ti Dapunt dila Villa Erna

Dala VITA dla CÛRA


Devoziun de Ma: tolede duc pert, tratan le mëis de ma, ala Devoziun de Ma che sará vigni lünesc y sabeda dales 19:30.

Prozesciun a Oies: en la proscima domènia, ai 07 de ma, de mondial dles vocaziuns, inviunse duc dales 14:00 ala prozesciun da S. Linert a Oies por perié do vocaziuns. A Oies sarál na picera funziun.

Comuniun ai amarà: siur Degan jará a proveder en jöbia, ai 4 y en vëndres ai 5 de ma dales 09:30 inant.



La proscima **Preparaziun al Bato** sará en sabeda, ai 06.05.2017 dales 15:00 te calonia a La Ila. Geniturs che á n pice müt da batié é inviá a tó pert y a se prenoté al nr. 0471/849372.



En jöbia, ai 27.04.2017 á cialé le Sacramënt dl BATO **Alessia** de Andrea Erlacher y Monica Rubatscher. Ala picera che tolun sö cun ligréza te nosta comunité y a sü geniturs les mius audanzas.



Tolun pert al dolor di familiars dl defunt Elias Dal Bosco che ai 21.04.2017 tl'eté de 19 agn é gnü cherdé dal Signur. Che al paises tla pesc eterna.

Referat cun siur Sepl Granruaz “Co tó ite tla fede les generaziuns nöies”: le Consèi de Cûra ves inviëia duc en mercui, ai 3 de ma dales 20:00 te Ciasa Runcher.

Referat cun don Paolo Renner “Eduché ala fede cun le cör” en mercui, ai 3 de ma dales 19:30 a La Val tl salf dles manifestaziuns.

Laurs te cortina: ai 3 de ma scomënciará i laurs, pomez al mür ia do dljia, por arjigné ca i “loculi” por les urnes.

Inviun bel sègn:

en sabeda - 13 de ma a S. Martin ala **gran incuntada de preparaziun ala vijita pastorala** daverta a duc dales 08:30 ales 12:30.

en sabeda – 13 de ma dales 21:00 a Porsenú ala **prozesciun a Neustift di èi dla Val Badia** (prenotese al nr. 333 7247516 cina ai 11 de ma).

en mertesc - 09 de ma dales 08:00 **a lavé la dljia:** periun duc chi che pó (al butés ince val'èl), mo dandadüt i **geniturs** di mituns che vá ala **1^a Comuniun y ala Crejima**, de gní a daidé.